



曇花

夜風涼涼

掠過禾仔个甜夢

掠過樹仔个頭毛

掠過一支含等露水个花蕊

香氣芬芳

係曇花

著等染著月光个白裙

孤栖个在更深夜靜

高貴个走出來

掛等微微个黃色笑容

單淨在無人个半夜出現

有可能 在該等候

等候一個

共樣習慣孤栖个人

摻佢分享 這

迷人个香氣



作者感言

曾語嫣 學生

這擺得獎，對佢來講實在係當大个鼓勵。從細，佢為著愛看屋脣个曇花開花，輒常在烏烏个半夜等候，這首詩就係表現佢該時候个體會。感謝評判先生對佢个肯定，乜感謝吾婆從細就摻佢講客，分佢認識母語、學習母語个機會。